



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1494 usque ad annum 1507

Fleury, Claude

August. Vind. [u.a.], 1769

VD18 90118448

§. 62. Archidux Castellæ Rex nominatus.

[urn:nbn:de:hbz:466:1-67025](https://nbn-resolving.org/urn:nbn:de:hbz:466:1-67025)

Secul. XVI. „ dinando, utpote Marito suo commisit,
A.C. 1504. „ verum ille, cum ex Arragonum gente
 „ fit, Castellanis pro alienigena ha-
 „ betur. „

§. LXII.

*Archidux Castellæ Rex nomi-
natus.*

Ferdinandus consilia, quæ Proceres cum Archiduce agitabant, penitus ignorabat, nec sagacitate sua assequi poterat: Nihilominus auctor illi erat Toletus Archiepiscopus, ut nulla mora ad Generum suum Legatos decerneret, qui Joannis Manuelis conatibus obsisterent; verum Manuel Hispanos prævertit, tantaque dexteritate Archiducis animum inclinavit, ut hi de Legationis suæ successu penitus desperarent: Jam enim Archidux Castellæ Regis nomen, & insignia usurpabat, & Manuelis oratione animum adudente, classem instrui jubebat, qua una cum Sponsa sua in Hispaniam trajiceret; ea res Socerum ejus non parum affligebat, angebatque; noverat enim, quod Castellani Archiducem vix adventantem protinus Regem suum salutaturi essent, de cetero nihil magis verebatur, quam denuo in Arragoniam reverti; tum enim, se Neapolis Regnum adversus Gallos

Gallos servaturum, omnem spem abjiciebat. Sæcul. XVI.
A.C. 1504.

§. LXIII.

Germana de Fuxo a Ferdinando Arragonio in Sponsam petita.

Hæ tamen curæ non adeo anxium reddidere Ferdinandum, ut ei de secundis nuptiis cogitandi spacium denegarent. Præprimis Joannam Henrici IV. Castellæ Regis, qui Isabellæ, & Lusitanis Infantis frater erat, Filiam selegerat; hæc autem plurimum opinione natalium vitio laborabat, ac tum temporis in sacrarum Virginum Collegio inclusa, nulla tamen Virginitatis sponsione obstricta erat. Nihilominus Ferdinandus potissimum illius nuptias expetebat, ut Regiæ hujus Filis jura in Castellæ regnum, excluso Archiduce, rursus suscitaret. Attamen Emanuel Lusitanis Rex, a cuius nutu hoc connubium dependebat, constanter Ferdinandi votis oblectabatur, veritus, ne belli flammis exinde in Castella suscitatis, & ipse, utpote satis vicinus, iis implicaretur: Ferdinandus spe sua dejectus, animum suum addixit Germanæ Fuxiensi, quæ Joannem de Fuxo Narbonæ Vice-Comitem. & Ludovici XII. Sororium Patrem habuit, Marian. l. 28
n. 72.

Hist. Eccles. Tom. XXXI.

M m ac